

TEZAU LITURGIC
25 MARTIE

ACATISTUL
DE LAUDĂ
AL
MAICII
DOMNULUI



MOSCOVA, 2000



Акафист

в похвалу Пресвятой

Богородицы, целовавшей

(приветствовавшей) Елисавету

Кондак 1

Избранная Богоневесто, Владычице, благолепные еси солнца, сияние света присносущнаго, зеркало Божия действия, образ его благости и милосердия, державу всемирнаго имущая, избави нас от всяких горестей и печали, да с радостию взываем Тебе:

Радуйся, Благодатная, Господь с Тобою!

Икос 1

Архангельския чины Тебе служат; все силы небесныя покланяются и окружают, весь мир Тобою обновляется, все создания радуются и вопиют Тебе, Владычице:

Радуйся, пресвятая и трисвятая Дево;

Радуйся, возлюбленная Божия небес Царице.

Радуйся, дольний мир онебесившая;
Радуйся, землю хождением Твоим
освятившая.

Радуйся, Божественная красото неувядаемая;
Радуйся, препрославленная, Духом Святым
украшаемая.

Радуйся, сияющая лепотою;

Радуйся, Богообразная красотою.

Радуйся, миру мир даровавшая.

Радуйся, небесе небес, венец восприявшая;

Радуйся, по обетованию рожденная.

Радуйся, светом украшенная;

Радуйся, благодатная, Господь с Тобою!

Кондак 2

Видящи, Пречистая, пророчество о себе,
Радуйся и веселися Дщи Сионя; зане се Аз гряду
и вселюся посреде Тебе, глаголет Господь; темже
Сотворшему исполнение поют: Аллилуиа.

Икос 2

Разум небесный имущи, Богоотроковице,
шествовала еси в горняя; небесные веселились,

земные радовались, стихии освящались,
небесное пение слышалось:

Радуйся, Дщерь Божия, славою украшенная;

Радуйся, неисповедимою добротою
возвышенная.

Радуйся, солнцеобразная Божия колеснице;

Радуйся, преукрашенная велелепотою
Владычице.

Радуйся, свете тихий, мир просвещающая;

Радуйся, образ Божественный изъясляющая.

Радуйся, преизбранная Дево несравненная;

Радуйся, прекрасная Богоотроковице
прославленная.

Радуйся, вся земная благостию утешающая.

Радуйся, все Силы небесныя превосходящая;

Радуйся, заре Божественная, прекрасная.

Радуйся, молние тме и злобе ужасная;

Радуйся, благодатная, Господь с Тобою!

Кондак 3

Силою Вышняго осененная Богоневесто,
Духом Святым предвозвещенная, едина

голубице моя, совершенная моя, едина есть матери своей, избрана родившей ю, силы небесныя поют: Аллилуиа.

Икос 3

Имуци богоприятную утробу Богоотроковице, се бо еси пронареченна от праотца Давида, вся слава Дщери Царевы внутрь, рясны златыми одеянна и преиспещренна, и мы поюще зываем:

Радуйся, источниче благодати и утешения;

Радуйся, пресладкая надежда и избавление.

Радуйся, имя Твое пресвятое сердца очищает;

Радуйся, яко ум наш и мысли просвещает.

Радуйся, славы горния желающих сподобляющая;

Радуйся, всем блаженство устрояющая.

Радуйся, солнце Вышняго селения;

Радуйся, всех скорбящих утешение.

Радуйся, богообразная едина красота.

Радуйся, богоукрашенная едина доброта;

Радуйся, всем помощнице и спасение.

Радуйся, всего рода человеческого прославление;

Радуйся, благодатная, Господь с Тобою!

Кондак 4

Буря греховная преjde, явилось светозарное светило, свет от света, солнце шествующая, в ней же Вышний имея селение, светится земля согреваема благодатию, облагоухается воздух, о сем поюще: Аллилуиа.

Икос 4

Слышавше Ангельские чины изреченное Духом Святым: гряди от Ливана невесто, гряди от Ливана, прииди и преjde из начала веры, от главы Санира и Хермона искренняя Божия, все освящаются Тобою и воспевают Владычицу:

Радуйся, небо на земли, прекрасная, сущее;

Радуйся, благодатная, Бога в себе имущая.

Радуйся, облаче легкий, землю осеняющий;

Радуйся, свете святой, дивно просвещающий.

Радуйся, святая, святаго рождающая;

Радуйся, святая, Богу в жилище освященная;

Радуйся, яко имя Твое всех просвещает.

Радуйся, яко призывающих блаженства исполняет;

Радуйся, кивоте святой, всех защищение.

Радуйся, к Тебе прибегающих спасение.

Радуйся, прекрасная лепото, всех красот краснейшая;

Радуйся, преизбранная, всех Святых святейшая.

Радуйся, благодатная, Господь с Тобою!

Кондак 5

Боготочная звезда, пресветлая, колеснице Божия, украшенная лепотами Божественными, древле на Синаи явивыйся, и в Тебе Пречистой вочеловечивыйся, все Тобою освятилось, чины небес поют: Аллилуиа.

Икос 5

Видевше Ангельския Силы величие Твое, Богоневесто, древле кивот образовавшая, пред Ним же море удалялось, Иордан возвращался вспять: Ты же одушевленная Божия святыня, вся тварь падает пред Тобою, покланяется величию Твоему, вопиючи:

Радуйся, чистая Дево, Матерь
благословенная;

Радуйся, свято Богом внутри исполненная.

Радуйся, слава девам и украшение;

Радуйся, святейшее человеком благословение.

Радуйся, звездо пресвятая, нас озаряющая;

Радуйся, заря божественная, нас
просвещающая;

Радуйся, всех красот изряднейшее
украшение.

Радуйся, всех земных и небесных
прославление;

Радуйся, вожденная, Пророками
предреченная.

Радуйся, Праотцами различно предъявленна.

Радуйся, в мирских горестях услаждение;

Радуйся, в пустынях живущим утверждение.

Радуйся, благодатная, Господь с Тобою!

Кондак 6

Проповедники Богоносии Ангелы
путетворяют Царице шествию, воздух и земля Ею
освященны; звери лютости не имеют, львы

свирепость оставляют, тигры и прочие преклонив главы, идут; мир в мире, слышится песнь: Аллилуиа.

Икос 6

Возсияла еси Пречистая Дево, просветившая весь мир, яко утро добра, яко луна избрана, яко солнце, ужас вчиненный на противных врагов, прими пение:

Радуйся, добротой доброт Богом украшенная;

Радуйся, неисповедимо Богу возлюбленная.

Радуйся, землю лучами Божества озарившая;

Радуйся, святейшими стопами землю освятившая.

Радуйся, всех Ангелов Дево краснейшая;

Радуйся, всех святых Пречистая, Пресвятейшая;

Радуйся, красна невеста, Духом нареченна.

Радуйся, красна в писании изъявленна;

Радуйся, в рождестве пресвята рожденна.

Радуйся, свете Светом свыше превознесенна.

Радуйся, небес и земли примирение;

Радуйся, злобы и ада истребление.

Радуйся, благодатная, Господь с Тобою!

Кондак 7

Хотящу Пророку Захарии в сретение изыти,
Елисавета услышала глас Богоотроковицы,
радостью взыгрался младенец во чреве ея,
исполнившись Духом Святым, возопила
прославляя Богоневесту: Аллилуиа.

Икос 7

Новое показала еси смирение, Божественная
Владычице, Дух Святый о Тебе рек: привлекла
сестра моя, невесто, сердце наше, единым от
очию Твоею, единым монистом выи Твоея, о сем
поюще, славим:

Радуйся, дивное всегда имущая смирение;

Радуйся, умиленное имущи на всех
воззрение.

Радуйся, облаче легкий, землю осеняющий;

Радуйся, вселенную всю всегда освещающий.

Радуйся, гора Божия усыренная;

Радуйся, скиния святая Божеством
устроенная;

Радуйся, украшенная Божественною
лепотою.

Радуйся, превосходящая всех красот
красотою;

Радуйся, всех бед и напастей избавление.

Радуйся, Тобою получают райское селение.

Радуйся, солнце, нам свет вечный являющее;

Радуйся, святейшая луна, нашу тму
просвещающая.

Радуйся, благодатная, Господь с Тобою!

Кондак 8

Странное смирение видевши, поклонимся
Богоотроковице. Пречистая Богоневесто!
Награди нас сею добродетелию, яко Вышний на
смиренныя благоволит; небо престол Его, земля
же подножие Ему, зрит милостиво на
смиренных. О сем поют на небесах: Аллилуиа.

Икос 8

Весь бе в нижних и вышних неописанный
Господь; в недрах Богоотроковицы, Владычицы,
в вертограде красоты, се бо исполнилось.
Внидох в вертоград Мой, сестра моя невеста,

хлеб мой с медом моим, пих вино мое с млекомоим, и мы с любовью поем:

Радуйся, кивоте Божий всесияющий;

Радуйся, Бога внутрь себе вмещающий.

Радуйся, возлюбленное Вышнему святилище;

Радуйся, всего Божества сладчайшее хранилище.

Радуйся, Духом Святым осененная;

Радуйся, Божественною силою облеченная;

Радуйся, пресвятое всех утверждение.

Радуйся, пречистое всех наслаждение;

Радуйся, небо новое, Бога вместившее.

Радуйся, в пречистых чреслах Бога носившая.

Радуйся, прекрасная всем ко зрению;

Радуйся, милосердая к заступлению грешников.

Радуйся, благодатная, Господь с Тобою!

Кондак 9

Создание все удивися: видимо было шествие Твое, шествие Пресвятыя Богоневесты, Царицы

небес. Земля цветами украшалась, горы и холмы озарились, ветры утихли, лики Ангелов воспели: Аллилуиа.

Икос 9

Витии многовещанные, восхвалити величия Твоего не могут, ниже разумеют; Ты бо велия еси Царица небес, светлейши еси солнца. Ни едино же может слово по достоянию воспети славу Твою. Ты же кроткая и милостивая прими усердие раба поющего:

Радуйся, предъизбранная свыше,
несравненная;

Радуйся, дивно Богом украшенная.

Радуйся, Богоневесто, во устах еси сладость;

Радуйся, Приснодево, всех радость.

Радуйся, помиловать всех желающая;

Радуйся, погибающих спасающая;

Радуйся, едина Богом избранная.

Радуйся, невеста Божия увенчанная;

Радуйся, всего мира хранение.

Радуйся, всей вселенной утверждение.

Радуйся, блаженство на земли явившая;

Радуйся, верных сердца просветившая.
Радуйся, благодатная, Господь с Тобою!

Кондак 10

Спасти хотя мир, иже украститель, Господь украси Тебе Пресвятую; Ты восходящая от сего мира прореченная, от пустыни яко стебло дыма кадящее смирну и ливан от всех благовоний Мироварца; едина ближняя Божия, едина совершенная. О сем воспели на небесах: Аллилуиа.

Икос 10

Стена еси всем защищения, Богоневесто, яко столп Давидов выя Твоя, тысяща щитов висит на нем, вся стрелы сильных, защищение наше, Всесвятейшая, не остави поющих Тя:

Радуйся, таинство праотцами предъявленное;

Радуйся, лестнице к небесам предреченная.

Радуйся, всея вселенная воззвание;

Радуйся, всего человечества возстание.

Радуйся, всех благих подательнице;

Радуйся, безконечнаго царствия начальнице;

Радуйся, Вышняго освященное селение.

Радуйся, яко Тобою дадеся спасение;
Радуйся, возвеселившая небеса рождением.
Радуйся, освятившая землю примирением.
Радуйся, всех Пророков ожидание;
Радуйся, всех святых желание.
Радуйся, благодатная, Господь с Тобою!

Кондак 11

Пение всякое, Ангельских соборов и человеческих родов, не могут достойно восхвалити Тебе Владычицу; Ты спасение рода человеческого, хвалимая Богом; се еси добра ближняя моя; се еси добра; очи Твои голубине. О сем небесные воспели: Аллилуиа.

Икос 11

Светоприемное светило, сущим нам во тме возсиявшая, Пресвятая Богоневесто, облеченная в солнце, венец имеющая из звезд, луна светится под стопами Божественными Твоими, о Пресвятая, прими наше пение:

Радуйся, вход в небеса открывшая;
Радуйся, землю небом явившая.
Радуйся, многих в разум просвещающая;

Радуйся, простых мудрыми являюща.

Радуйся, Тобою всех печалей избавляемса;

Радуйся, Тобою райских веселий
наслаждаемса;

Радуйся, Пречистая, благодатию
просвещающа.

Радуйся, Божественная, благостию
утешающа;

Радуйся, всея вселенная хранительнице.

Радуйся, всех благих даровательнице.

Радуйся, вся доброты превосходящая
лепотою;

Радуйся, всех небесных высшаячистотою.

Радуйся, благодатная, Господь с Тобою!

Кондак 12

Благодать дати восхотев, всех Зиждитель Бог,
спасение человеческое, Тобою бо, Пречистая,
приидут в вечный Сион с радостию, и радость
вечная, хвала и веселие примет их и воспоют
вечно: Аллилуиа.

Икос 12

Воспевая Твое величие, славим, покланяемся,
Ты бо одушевленное святилище Божие, новое
небо; ибо Творца небеси и земли во чреве
пречистом вместила еси. О сем покланяющеся
славим:

Радуйся, в Тебе Святейшей Божие
пребывание;

Радуйся, исполнившая Святых ожидание.

Радуйся, всех красот краснейшая;

Радуйся, всей чистоты чистейшая.

Радуйся, Божиею силою освященная;

Радуйся, невеста Божия совершенная;

Радуйся, всему миру радость и благословение.

Радуйся, пресладкая надежда и избавление;

Радуйся, Пречистая небес высшая.

Радуйся, воплощенного Бога носившая.

Радуйся, источнице благодати и утверждение;

Радуйся, от грехов древних разрешение.

Радуйся, благодатная, Господь с Тобою!

Кондак 13

О Пресвятейшая святых, Приснодево, Богоневесто, Владычице, имущая державу вечную над всем созданием видимым и невидимым! от всякия нас избави беды, и сподоби получитьи радость вечную, вопиющих Тебе: Аллилуиа. Трижды, посем Икос1 , Кондак 1.

Молитва

О Пресвятая, Пречистая Дево, Госпоже, Владычице, Богородице, мысленно падаю пред святыми Твоими стопами; и прошу не оставить Твоим Божественным милосердием. Сподоби получитьи прощение всем моим прегрешениям, пред Сыном Твоим, Господом Богом нашим. Защити, спаси и помилуй, всемогущая Царице небесная. Сподоби провождати жизнь во исправлении заповедей Господних, удерживати язык от всякаго зла, иметь кроткое и смиренное сердце и любовь ко всем человекам, воспоминать горняя-небесная и презирать суетная-земная. О всесвятейшая Владычице! Да освящается сердце мое выну божественным Твоим именем; да будет свет моей души, просвещающий путь сей жизни. По кончине же

сподобив внити в радость вечную, да всегда прославляю Отца и Сына и Святаго Духа и Твое предстательство, ныне и присно, и во веки веков. Аминь.

